



**Komisija za izbor i praćenje rada Agencije za prevenciju
korupcije i koordinaciju borbe protiv korupcije**

Broj: 01,02-50-1-910- 4/10
Sarajevo, 3. 11. 2010.

Z A P I S N I K

**4. sjednice Komisije za izbor i praćenje rada Agencije za
prevenciju korupcije i koordinaciju borbe protiv korupcije**

Sjednica je održana 3. 11. 2010., s početkom u 10 sati.

Sjednicom je predsjedavao Milorad Živković, predsjedavajući Komisije.

Sjednici su prisustvovali članovi Komisije: Ilija Filipović, Mirsad Abazović, Niko Lozančić, Beriz Belkić, Dušanka Majkić i Milorad Vulić.

Član Komisije Sulejman Tihić zbog spriječenosti, nije prisustvovao sjednici te je opravdao odsustvo.

Osim članova Komisije, sjednici su prisustvovali: Sadka Đonko, Željko Grubešić, i Željko Kosmajac iz Sekretarijata PSBiH.

Predsjedavajući je konstatirao da postoji kvorum za rad Komisije.

Prije nego što se prešlo na utvrđivanje dnevnog reda sjednice, predsjedavajući Komisije dao je uvodine napomene.

Podsjetio da je Komisija na 2. sjednici održanoj 23.08.2010. godine razmatrala sve pristigle prijave na Javni konkurs za imenovanje direktora i dva zamjenika direktora

Agencije za prevenciju korupcije i koordinaciju borbe protiv korupcije.

Komisija je tada utvrdila da:

- 13 kandidata ispunjavaju formalne uslove Javnog konkursa,
- pet kandidata ne ispunjavali uslove iz razloga nepotpune dokumentacije, i
- dva kandidata ne ispunjavaju uslove iz razloga što su njihove prijave bile neblagovremene.

Komisija je zaključila da pored ostalih, formalne uslove Javnog konkursa ne ispunjavaju kandidati Damir Vejo i Nermin Mrkaljević iz razloga što uz prijavu na Javni konkurs nisu dostavili: "ovjerenu izjavu da nisu otpušteni iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana objavljivanja upražnjene pozicije".

Naime, umjesto navedene izjave, Damir Vejo je dostavio potvrdu Agencije za državnu službu Bosne i Hercegovine, a Nermin Mrkaljević, uvjerenje Granične policije Bosne i Hercegovine.

Na obavještenje Komisije o neispunjavanju formalnih uslova Damir Vejo i Nermin Mrkaljević uložili su Komisiji prigovore.

Komisija je na trećoj sjednici razmatrala ove prigovore.

Imajući u vidu da su potvrda Damira Veje odnosno uvjerenje Nermina Mrkaljevića izdati na osnovu činjenica o kojima se vodi službena evidencija u skladu sa članom 162. Zakona o upravnom

postupku ("Službeni glasnik BiH", broj 29/02), Komisija je prihvatila ove prigovore.

Također je podsjetio da četiri kandidata uz prijavu nisu dostavili

"dokaz da mu nije izračena zatvorska kazna za krivično djelo učinjeno s umišnjajem u skladu s krivičnim zakonima u Bosni i Hercegovini", iz razloga što se ovaj dokumenat po Krivičnom zakonu Republike Srpske ne može izdati na zahtjev lica.

Iz tih razloga Komisija je zaključila da će službenim putem zatražiti dostavu ovog dokumenta.

U skladu sa članom 13. stav (1) Zakona o Agenciji za prevenciju korupcije i koordinaciju borbe protiv korupcije i članom 24. Poslovnika o radu, Komisija je uputila zahtjev Centralnoj izbornoj komisiji Bosne i Hercegovine i Državnoj agenciji za istrage i zaštitu, da izvrše provjere kandidata koji ispunjavaju uslove Javnog konkursa.

Centralna izborna komisija Bosne i Hercegovine dostavila je potvrde za kandidate i Državna agencija za istrage i zaštitu dostavila je Konačni izvještaj o istinitosti informacija koje su u svojim izjavama naveli kandidati.

Naglasio je da je u proteklom periodu trebalo izvršiti sve navedene radnje kako bi se ispunili svi uslovi za zakazivanje današnje sjednice.

Komisija je jednoglasno usvojila sljedeći

D N E V N I R E D

- 1. Usvajanje zapisnika sa 2. i 3. sjednice Komisije,**
- 2. Intervju sa kandidatima koji ispunjavaju uslove utvrđene u Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije,**
- 3. Tekuća pitanja.**

Ad. 1.

Usvajanje zapisnika sa 2. i 3. sjednice Komisije

Zapisnici 2. i 3. sjednice Komisije usvojeni su jednoglasno, bez primjedbi.

Ad. 2.

Intervju sa kandidatima koji ispunjavaju uslove utvrđene u Javnom konkursu za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije

U skladu sa članom 23. Poslovnika o radu Komisije, 15 kandidata koji ispunjavaju uslove Javnog konkursa za imenovanje direktora i zamjenika direktora Agencije za prevenciju korupcije i koordinaciju borbe protiv korupcije, pozvani su na intervjuu - javno saslušanje.

U skladu sa zaključkom Komisije, od kandidata je zatraženo da na intervjuu budu spremni da prezentuju svoju viziju rada, rukovođenja i ulogu u borbi protiv korupcije Agencije za prevenciju korupcije i koordinaciju borbe protiv korupcije.

Radna grupa Sekretarijata pripremila Tipski obrazac za ocjenjivanje kandidata, koji je uručen članovima Komisije.

U skladu s članom 25. Poslovnika, Komisija Komisija je jednoglasno usvojila predloženi obrazac.

Zatim su kandidati pozvani na intervju kako slijedi.

1. Izet Nizam
2. Zoran Đerić
3. Milanko Renovica
4. Sead Lisak
5. Radoje Badnjar
6. Jasmin Jaganjac
7. Sreto Pekić
8. Ramiz Huremagić
9. Blanka Benković
10. Dragan Slipac
11. Vukašin Crnjak
12. Ismail Sarić
13. Milan Krulj
14. Damir Vejo, i
15. Nermin Mrkaljević.

Svih 15 kandidata koji ispunjavaju uslove javnog konkursa su se odazvali intervjuu.

Članom 27. Poslovnika o radu Komisije je utvrđeno da će Komisija bodovati kandidate u roku od sedam dana od dana završetka intervjua.

Komisija je jednoglasno usvojila slijedeće

Z a k l j u č k e

- 1. Konačno bodovanje kandidata će se izvršiti na narednoj sjednici koja će se održati u srijedu 10. 11. 2010., u 10 sati,**
- 2. Radna grupa Sekretarijata pripremit će Predlog izvještaja sa predlogom liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije.**

Ad. 3.

Tekuća pitanja

U okviru ove tačke nije bilo pitanja i rasprava nije vođena.

Sjednica je završena u 15,00 sati.

Zapisnik sastavila
Sadka Đonko

Predsjedavajući Komisije
dr. Milorad Živković